

թէ ոչ միայն է այր անօրէն և չարագործ, այլ և առհասարակ կոչէին զնա Մարմալ, այսինքն ուրացող, եւ 'ի քննութեան պահու յայտնի եղեւ նենգութիւն եւ դաւաճանութիւն նորին, զի զիրաւունս և զողորմութիւնս նուիրեալս յուխտաւորաց, յանուն վնաց Ս. Յակոբայ, վատնեալ ոչնչացոյց 'ի կամս իւր, և 'ի ժամանակի փոխանորդութեան իւրոյ յաւել նաեւ պարտս 'ի վերայ Աթուոյն, եւ 'ի պահու քննութեան հաշուոյ նորին, պարտաւորեալ գտաւ 5500 դահեկան, որոյ վասն միաբանք վնաց ընկեցին զայն 'ի փոխանորդութենէ օրինօք դատարանի, և 'ի տեղի նորա եղին զթէողորոս վարդապետ . 1133 (1711): Յետ այնորիկ՝ արք երեւելիք, որք ձեռնարկեալ էին 'ի գիրն յայն 'ի ժամանակին յայնմիկ, սլատմեցին զամենայն եղեալսն՝ որք ականատես իսկ էին չարութեան նորին, իբրեւ եհաս այս լուր 'ի վնա Սրբոյն Յակոբայ, դիմեցին անդր Յովհաննէս վարդապետ Վէջիլ և այլք 'ի միաբանաց, և բողոք բարձեալ զանկատէին զանիրաւութենէ բանտարկեալ Յովհաննիսի, և կոչէին զնա այր անօրէն և ժանտ, յայտ արարեալ յատենի անդ զամենայն գործս նորա. ապա յաւելին ասել՝ թէ չունիմք հաւատարմութիւն 'ի վերայ նորա, զի նա ուրացութեամբ և անկրօնութեամբ իւրով հռչակաւոր է 'ի մէջ քաղաքիս, որոյ վասն արքունի հրամանաւ բարձաւ աստի՝ և քսորեցաւ, և ցարդ բանտարկեալ կայ 'ի կղզւոջն. լուեալ զայս ամենայն դատաւորն դրեալ ազդ արար 'ի Դուռն, 1136 (1714):

Եւ 'ի նմին ժամանակի Թագաւորն էր յԱդրիանուպօլիս, զնացին մեծամեծք Հայոց անդր՝ կոչեցին և զԿեսարացի Մելիտոնն, որ երեւելի էր յայնմ ժամանակի 'ի Դուռն. զի առցեն հաւանութիւն վասն նորոգ Պատրիարքաց՝ և հրովարտակ: Տարան և զՅովհաննէս վարդապետ անդր՝ և հանդերձ առաջնորդաւ տեղւոյն, որ էր Աբրահամ վարդապետ ծերունի. ծախեցին բազում ինչ՝ և մատուցին զիր աղաչանաց առ Թագաւորն, և նա խոստացաւ կատարել զինդիրս նոցա, եւ ինքեանք դարձան յետս: Իսկ Արքայ հրամայեաց յականարկել յարձանագիրս Կայսերական գիւանին՝ և գտաւ Պատրիարքութիւնն Երուսաղէմի